

Na osnovu Okvirnog sporazuma za Usluge stručnog nadzora nad izvođenjem radova na: "Izvođenju radova na realizaciji izgradnje gradske saobraćajnice IX transverzale, dionica: od ul.Džemala Bijedića do spoja sa rondoom (od km 0+246 /P7 do rondoaa sa vezama), uključujući i rekonstrukciju raskrsnica sa ulicama Džemala Bijedića i Safeta Zajke" broj 04-14-30182-OS/17 od dana 04.04.2018.godine zaključuje se

U G O V O R X I

za "Usluge stručnog nadzora nad izvođenjem radova na izgradnji potpornog zida, platoa i privremene saobraćajnice sa izmještanjem instalacija u sklopu izgradnje Rondoaa na IX transverzali"

UGOVORNE STRANE:

Direkcija za puteve Kantona Sarajevo, Ministarstvo saobraćaja, ulica Hamida Dizdara broj 1 Sarajevo, koju zastupa direktor Selmir Kovač dipl.ing.saob (u daljem tekstu: **Naručilac**)

i

„IPSA INSTITUT” d.o.o. Sarajevo, ul. Put života bb Sarajevo, Id broj 4200032270003, koju zastupa direktor Enko Hubanić dipl.ing.građ (daljem tekstu: **Izvršilac**),

I P R E D M E T U G O V O R A

Član 1.

Predmet ovog ugovora su **usluge stručnog nadzora nad izvođenjem radova na izgradnji potpornog zida, platoa i privremene saobraćajnice sa izmještanjem instalacija u sklopu izgradnje Rondoaa na IX transverzali**, u sklopu Okvirnog sporazuma broj 04-14-30182-OS/18 od dana 04.04.2018. godine u svemu prema postupku javne nabavke provedenog putem otvorenog postupka, koji je proveden na osnovu donesene Odluke o javnoj nabavci usluga (broj: 04-14-30182/17 od dana 12.10.2017. godine), dostavljene ponude Izvršioca usluga (broj: 04-14-35658/17 od dana 11.12.2017. godine) i Odluke o dodjeli ugovora (broj:04-14-30182/17 od dana 15.12.2017. godine), koje čine sastavni dio Ugovora.

Član 2.

Predmet ugovora definisan je zahtjevom **Naručioca** usluge, projektnim zadatkom/specifikacijom i tenderskom dokumentacijom.

II C I J E N A I N A Č I N P L A Ć A N J A

Član 3.

Ugovorne strane su saglasne da je ukupna cijena usluge iz člana 1. ovog Ugovora definisana prihvaćenom ponudom Izvršioca usluge i iznosi

3.956,55 KM sa PDV-om
(slovima: trihiljadedevetstotina pedesetšest i 55/100 KM)
(3.381,66 KM bez PDV-a)

Ugovorene strane su saglasne da je utvrđena cijena za usluge, iz člana 1. ovog ugovora fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove potrebne za izvršenje usluge.

Član 4.

Ugovorne strane su saglasne da će se plaćanje po ovom ugovoru izvršiti u roku od 60 dana nakon predaje kompletne dokumentacije u skladu sa zadatkom od strane Izvršioca usluge i odobravanja dokumentacije od strane Naručioca usluge.

Plaćanje se vrši na račun izvršioca naveden u ponudi.

III ROK IZVRŠENJA USLUGE

Član 5.

Izvršilac se obavezuje da će usluge koji su predmet ovog ugovora izvršiti u roku od **4 (četiri) mjeseca** od dana uvođenja u posao, a ostale naloge do okončanja svih predmetnih radova na izvođenju a najduže 4 godine.

IV OBAVEZE IZVRŠIOCA USLUGE

Član 6.

Izvršilac usluge se obavezuje:

- izvršiti sve ugovorene obaveze u potpunosti a kako je to predviđeno projektnim zadatkom/specifikacijom i ostalim priložima koji čine sastavni dio ugovora,
- ugovorenu uslugu obaviti u skladu sa važećim propisima i pravilima za tu vrstu usluge, kao i zahtjevima naručioca navedenim u projektnom zadatku/specifikaciji i pozivu za ponudu,
- garantovati kvalitetno izvršenje ugovorne usluge, i
- **osigurati garanciju za uredno izvršenje u visini od 10% od vrijednosti ugovora u roku od deset dana od potpisivanja ugovora,**
- održavati kontinuitet i dinamiku izvršenja svojih obaveza i u ugovorenom roku izvršiti uslugu iz predmeta ovog ugovora.

U slučaju neispunjenja ugovornih obaveza i povrede dinamike rada Izvršilac odgovara za svu učinjenu nastalu štetu zbog profesionalnog propusta.

Član 7.

Nadzor imenuje nadzorne inženjere za konkretni projekat koji moraju ispunjavati uvjete iz člana 110. Zakona o prostornom uređenju Kantona Sarajevo (*Službene novine Kantona Sarajevo broj 24/17*).

Poslove stručnog nadzora nad građenjem ne može obavljati pravno lice koje je izradilo ili učestvovalo u izradi projektne dokumentacije i pravno lice koje izvodi radove na građevini koja se gradi. Nadzorni inženjer je lice ovlašteno za provedbu nadzora nad građenjem, koji se provodi u ime investitora. Ovisno o složenosti građevine pravno lice koje obavlja nadzor nad građenjem u ime investitora, može formirati nadzorni tim i imenovati koordinatora.

Koordinator se imenuje iz reda nadzornih inženjera i odgovoran je za usklađivanje rada nadzornog tima.

Član 8.

U provođenju nadzora nadzorni inženjer je dužan:

- a) utvrditi usklađenost iskolčenja građevine sa zapisnikom o iskolčenju građevine i projektom;
- b) provjeriti i utvrditi gradi li se u skladu sa odobrenjem za građenje, tehničkom dokumentacijom i Zakonom o prostornom uređenju Kantona Sarajevo (*Službene novine Kantona Sarajevo broj 24/17*);
- c) provjeriti i utvrditi da je kvalitet radova, ugrađenih proizvoda i opreme u skladu sa zahtjevima projekta, uvjetima propisanim Zakonom, posebnim zakonima i propisima, važećim tehničkim propisima i standardima, te da je taj kvalitet dokazan propisanim ispitivanjima i dokumentima;
- d) biti prisutan u svim fazama testiranja kvaliteta ugrađenog materijala kao i u svim fazama testiranja nosivog sklopa građevine;
- e) potvrditi urednost izvođenja radova potpisivanjem građevinskog dnevnika, u isti unositi izmjene urađene u odnosu na projektnu dokumentaciju, kontrolisati građevinsku knjigu te, po potrebi, vršiti usaglašavanje sa projektantom i izvođačem radova za sve eventualne promijenjene okolnosti u tehničkoj dokumentaciji i na gradilištu. Nadzorni inženjer je odgovoran za provedbu svih potrebnih mjera;
- f) napisati izvještaj investitoru o obavljenom nadzoru nad građenjem građevine i to periodične izvještaje (uz ispostavljene privremene situacije) i završni izvještaj;
- g) po potrebi uraditi analizu cijene i ocjenu neophodnosti za određene pozicije za ugovornog organa.

Prihvatanje od strane Ugovornog organa bilo kog izvještaja, projekta ili bilo kog drugog dokumenta ili preporuke koju dobije od Nadzora, ne oslobađa Nadzora niti jedne od njegovih obaveza.

Nadzorni inženjer dužan je pravovremeno obavijestiti investitora o svim uočenim nedostacima i nepravilnostima prilikom vršenja stručnog nadzora u skladu sa Zakonom o prostornom uređenju Kantona Sarajevo (*Službene novine Kantona Sarajevo broj 24/17*).

Nadzorni inženjer dužan je pravovremeno obavijestiti urbanističko-građevinskog inspektora o svim nedostacima i nepravilnostima koje je uočio tokom građenja, a koje investitor ili izvođač radova odbiju otkloniti na osnovu njegovog upozorenja.

V KAZNA ZA KRŠENJE ROKA IZVRŠENJA

Član 9.

Izvršilac se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim ugovorom.

U slučaju zakašnjenja u izvršavanju ugovornih obaveza u normalnim uslovima, Naručilac će tolerisati Izvršiocu prekoračenje roka od 2 (dva) dana od ugovorenog roka.

Za svaki dan zakašnjenja završetka radova preko 2 (dva) dana, Izvršilac će platiti Naručiocu kaznu u iznosu 0,5% ugovorene vrijednosti za svaki naredni dan zakašnjenja. Maksimalna kazna za kašnjenje je 5% od ukupno ugovorene vrijednosti.

U slučaju kada Naručilac ocijeni opravdanim produženje roka za izvršenje ili kada potreba produženja roka nastane bez krivice i odgovornosti Izvršioca, pomenuta kazna se ne zaračunava.

VI OBAVEZE NARUČIOCA USLUGE

Član 10.

Naručilac usluga se obavezuje :

- pravovremeno uputiti prigovore na eventualne propuste tokom obavljanja usluge a koji nisu u skladu sa Ugovorom i ponudom Izvršioca usluge,
- uredno izvršiti plaćanje ugovorene usluge.

VII USTUPANJE USLUGA DRUGOM PRUŽAOCU

Član 11.

Izvršioc usluge nema pravo ustupiti ugovorene usluge u cijelosti ili djelimično drugoj firmi bez izričite saglasnosti Naručioca usluge.

VIII GARANCIJA

Član 12.

Izvršioc usluge daje garanciju da je usluga iz predmeta ovog ugovora urađena u skladu sa važećim propisima, standardima, tehničkim normativima i pravilima struke i da odgovara za sve eventualne propuste nastale kao posljedica neadekvatnog izvršenja usluge.

Izvršilac je dužan obezbjediti bezuslovnu bankovnu garanciju za uredno izvršenje ugovora u visini od 10% od vrijednosti Ugovora najkasnije u roku 10 (deset) dana nakon potpisivanja ugovora.

Period trajanja garancije mora obuhvatati period od početka do okončanja svih ugovornih obaveza, biti uvećan za 30 dana u odnosu na period trajanja samog ugovora/perioda izvršenja radova.

IX VIŠA SILA

Član 13.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

X KORIŠTENJE UGOVORNIH DOKUMENATA I INFORMACIJA - POSLOVNA TAJNA

Član 14.

Izvršiocu usluge nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvršioc usluge i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

XI RJEŠAVANJE SPOROVA I MJERODAVNO PRAVO

Član 15.

Naručilac ima pravo da raskine ugovor ako Izvršioc usluge propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku koji bi za naručioca bio prihvatljiv. U tom slučaju ugovorni organ neće platiti Izvršiocu usluge onaj dio usluge koji je u nastavku rada nemoguće koristiti.

Ugovorne strane će nastojati svaki spor iz Ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u BiH.

XII POSEBNE ODREDBE

Član 16.

Ovaj ugovor ostaje na snazi do potpunog izvršenja ugovorene usluge. Ugovorene strane mogu sporazumno otkazati ovaj ugovor i prije njegovog izvršenja ukoliko, neovisno od ugovorenih strana, nastupe okolnosti, koje bitno utiču na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

XIII ZAVRŠNE ODREDBE

Član 17.

Ovaj ugovor stupa na snagu danom obostranog potpisivanja od strane opunomoćenih predstavnika ugovornih strana.

Član 18.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.


IZVRŠILAC: 

Enko Hubanić dipl.ing.grad
Direktor

„IPSA INSTITUT” d.o.o. Sarajevo



NARUČIOCI:

Selmir Kovač dipl.ing.saob
Direktor

Direkcija za puteve Kantona Sarajevo

Broj: 917/21
Datum: 26-03-2021

Broj: 04-14-30182-U11/17
Datum: 22.03.2021. godine

Specifikacija usluga za vršenje stručnog nadzora na izvođenju radova na izgradnji potpornog zida, platoa i privremene saobraćajnice sa izmještanjem instalacija u sklopu izgradnje Rondona na IX transverzali - Ugovor XI

Broj pozicije	Opis pozicije	Vrijednost radova (KM bez PDV-a)	Procenat vršenja nadzora od investicione vrijednosti radova	Ukupno (KM bez PDV-a) (kolona 3 x kolona 4 / 100)
1	2	3	4	5
2.	<i>Izvođenje radova na realizaciji izgradnje gradske saobraćajnice IX transverzale, dionica: od ul.Džemala Bijedića do spoja sa rondonom (od km 0+246 /P7 do rondona sa vezama), uključujući i rekonstrukciju raskrsnica sa ulicama Džemala Bijedića i Safeta Zajke – izvođenje radova izgradnje potpornog zida, platoa i privremene saobraćajnice sa izmještanjem instalacija u sklopu izgradnje Rondona</i>	352.256,73	0,96	3.381,66
Ukupno (KM bez PDV-a)				3.381,66
PDV (17%)				574,88
Ukupno (KM sa PDV-om)				3.956,55

